

Riba un 53% di su ehecucion

Waf di Barcadera un proyecto grandi y importante pa desaroyo di economia di Aruba



ORANJESTAD – E waf di Barcadera, ta un proyecto grandi y importante pa desaroyo di economia di Aruba.

Segun un comunicado emiti di parti di gobierno, e proyecto aki ta para halto riba e lista di prioridadnan di gobierno y pa tal motibo, prome minister Mike Eman, hunto cu minister di infraestructura, Benny Sevinger y minister di Asuntonan Economico, Mike de Meza, a bishita e lugá di construcion, unda

nan por a pone nan mes na altura y tuma nota di e avance di e trabaonan.

Presentacion

Aruba Ports Authority (APA), American Bridge y Arcadis, hunto cu un team di experto, a sa di duna un presentacion, caminda preguntanan a wordo haci riba aspectonan di e plan.

E ehecucion di e proyecto ta cumpliendo cu fechanan planea y ta den presupuesto. Actualmente ta na 53% di e

trayecto y si tur cos sigui cana bon, e proyecto su prome fase ta keda cla na luna di juli 2015.

Avance substancial

E proyecto di construcion di waf nobo na Barcadera ta representa un avance substancial den e actividadnan economico di nos isla, como tambe, segun e comunicado, un facilidad moderno cu ta habri caminda pa un volumen mas grandi di exportacion, generando na su lugá mas entrada pa Aruba. □